

PM bangga prestasi JKDM

Jabatan itu berjaya peroleh kutipan hasil berjumlah RM65.57 bilion pada 2024

Oleh HISYAMUDDIN AYUB
PUTRAJAYA

Kerajaan menghargai kejayaan besar Jabatan Kastam Diraja Malaysia (JKDM) memperoleh kutipan hasil pada 2024 berjumlah RM65.57 bilion iaitu peningkatan sebanyak RM10.40 bilion daripada tahun 2023.

Perdana Menteri, Datuk Seri Anwar Ibrahim berkata, JKDM merupakan sebuah institusi penting yang memainkan peranan strategik dalam memacu pembangunan negara.

Beliau berkata, jabatan itu telah berjaya melaksanakan fungsi utamanya mengutip hasil negara dan memperkasakan rantai perdagangan yang selamat.

"Prestasi ini amat membanggakan. Tahniah! Ia membuktikan keupayaan JKDM untuk menyumbang kepada pertumbuhan ekonomi Madani yang mampan.

"Saya yakin dengan niat yang ikhlas dan kerjasama berpasukan kukuh, JKDM akan terus mencatat kejayaan lebih besar pada masa hadapan," kata beliau dalam ucapan sempena Majlis Sambutan Hari Kastam Sedunia ke-43 di Pusat Konvensyen Antarabangsa Putrajaya (PICC) di sini pada Isnin.

Teks ucapan beliau dibacakan Timbalan



Fadillah (dua dari kiri) dan Anis Rizana (dua dari kanan) ketika acara perasmian pada Majlis Sambutan Hari Kastam Sedunia ke-43 Tahun 2025 di PICC pada Isnin.

Perdana Menteri, Datuk Seri Fadillah Yusof.

Hadir sama, Ketua Pengarah JKDM, Datuk Anis Rizana Mohd Zainudin.

Anwar berkata, menyedari kepentingan peranan badan penguatkuasaan itu, kerajaan melalui Belanjawan 2025 telah memperuntukkan RM60 juta kepada JKDM dan Kementerian Perdagangan Dalam Negeri dan Kos Sara Hidup (KPDN).

Menurutnya, ia antara inisiatif memperkukuh usaha kerajaan melindungi kekayaan negara dengan memastikan tiada ke-tirisan wang rakyat.

Sementara itu katanya, seiring dengan perkembangan teknologi hari ini dengan pembangunan teknologi AI yang semakin kompleks diganding dengan kehidupan era post-truth, JKDM kini berhadapan cabaran yang lebih kompleks.

"Jenayah-jenayah terdahulu tidak lagi

terpacul dengan cara yang sama hari ini.

"Maka kesiapsiagaan warga kastam pada hari ini haruslah selari dengan peredaran zaman yang semakin mencabar, kecelikan teknologi dan kemampuan kita untuk lebih kreatif dalam penguatkuasaan perlulah menjadi keutamaan.

"Namun saya cukup yakin dengan keupayaan tinggi pegawai dan anggota JKDM untuk membawa hasil yang lebih mem-berangsangkan kepada negara serta mem-banteras jenayah kontraband dengan lebih berkesan," ujar beliau.

Pada masa sama, beliau berkata, semangat kekitaan dalam kalangan warga JKDM perlu terus dipupuk.

"Segala usaha, kudrat dan pengorban-an warga JKDM telah membentuk imej jabatan ini sebagai institusi yang dipercayai dan disegani," ujarnya.